

明史彙

志第五十一

光祿大夫 經筵講官明史總裁戶部尚書加七級臣王鴻緒奉
敕編撰

選舉一 科目

選舉之法大略有四曰科目曰學校曰薦舉曰銓選科目以
彙征之學校以樂育之薦舉以旁招之銓選以布列之天下
人才盡於是矣明以科目爲盛典卿相皆由此出學校則儲
才以應科目者也其徑由學校起家者亦科目之亞也匪是
則雜流矣然進士舉貢雜流三途並用雖有畸重無偏廢也
薦舉盛於國初後因專用科目而罷銓選則入官之始舍此
蔑由焉是四者釐然具載其本末而一百七十年間取士得

失之故可觀已

科目者沿唐宋之舊而變其法專取四子書及易書詩春秋禮記五經命題試士蓋太祖與劉基所定其文略仿宋經義然代古人語氣爲之體用排偶謂之八股通謂之制義三年大比以諸生試之直省曰鄉試中式者爲舉人次年以舉人試之京師曰會試中式者天子親策於廷曰廷試亦曰殿試分一二三甲以爲名第之次一甲止三人曰狀元榜眼探花賜進士及第二甲若干人賜進士出身三甲若干人賜同進士出身狀元榜眼探花之名制所定也而士大夫又通以鄉試第一爲解元會試第一爲會元二三甲第一爲傳臚云云

午卯酉年鄉試辰戌丑未年會試鄉試以八月會試以二月

皆初九日爲第一場試四書義三道經義四道洪武時定四書主朱子集註易主程傳朱子本義書主蔡氏傳及古註疏詩主朱子集傳春秋主三傳及胡安國張洽傳禮記主古註疏永樂間頒四書五經大全廢註疏不用其後春秋亦不用張洽傳禮記止用陳灝集說十二日爲第二場試論一道判五道詔語表內科一道十五日爲第三場試經史時務策五道廷試以三月朔鄉試直隸於京府各省於布政司會試於禮部主考鄉會試俱二人同考鄉試四人會試八人提調一人在內京府官在外布政司官會試禮部官監試二人在內御史在外按察司官會試御史供給收掌試卷彌封謄錄對讀受卷及巡綽監門搜檢懷挾俱有定員各執其事舉子則

國子生及府州縣學生員之學成者儒士之未仕者官之未入流者皆由有司申舉性資敦厚文行可稱者應之其學校訓導專教生徒及罷闕官吏倡優之家與居父母喪者俱不許入試試卷之首書三代姓名及其籍貫年甲所習本經所司印記試日入場講問代簪者有禁晚未納卷給燭三枝文字中迴避御名廟號及不許自序門第彌封編號作三合字考試者用墨謂之墨卷謄錄者用硃謂之硃卷試士之所謂之貢院諸生席舍謂之號房入一軍守謂之號軍試官入院輒封鑰內外門戶在外提調監試等謂之外簾官在內主考同考謂之內簾官廷試用翰林及朝臣文學之優者爲讀卷官共閱對策擬定名次候臨軒或如所擬或有所更定傳制

唱第狀元授修撰榜眼探花授編修三甲考與庶吉士者
皆爲翰林官其他或授給事御史主事書行人評事太常
國子博士或授府推官知州知縣等官舉人貢生不第入監
而選者或授小京職或授府佐及州縣正官或授教職此明
一代取士之大略也終明之世右文左武然亦嘗設武科以
收之可得而附列也初太祖起事首羅賢才吳元年設文武
二科取士之令使有司勸諭民間秀士及智勇之人以時勉
學俟闕舉之歲充貢京師三年詔曰漢唐及宋取士各有定
制然但貴文學而不求德藝之全前元待士甚優而權豪勢
要每納奔競之人實緣阿附輒竊仕祿其懷材抱道者恥與
竝進甘隱山林而不出風俗之弊一至於此自今年八月始

特設科舉務取經明行修博通古今名實相稱者朕將親策於廷第其高下而任之以官使中外文臣皆由科舉而進非科舉者毋得與官於是京師行省各舉鄉試直隸百人河南山東西陝西北平福建江西浙江湖廣皆四十人廣西東皆二十五人才多或不及者不拘額數高麗安南占城詔許其國士子於本國鄉試貢赴京師明年會試命禮部尚書陶凱前翰林院學士澤庭堅爲主考官取中俞友仁等一百二十名帝親製策問試於奉天殿擢吳伯宗第一午門外張掛黃榜奉天殿宣諭賜宴中書省授伯宗爲吏部員外郎餘以次授官有差時以天下初定令各行省連試三年且以官多缺少舉人俱免會試赴京聽選又擢其年少俊異者張唯王輝

爲翰林院編修蕭韶爲祕書監直長令入禁中文華堂肄業太子贊善大夫宋濂等爲之師帝聽政之暇輒幸堂中評其文字優劣日給光祿酒饌每食皇太子親王迭爲之主賜白金弓矢鞍馬及冬夏衣寵遇之甚厚旣而謂所取多後生少年能以所學措諸行事者寡乃但令有司察舉賢才而罷科舉不用至十五年復設十七年定科舉之式命禮部頒行各省後遂以爲永制而薦舉漸輕久且廢不用矣十八年廷試擢丁顯練子寧花綸爲一甲授修撰編修進士之入翰林自此始也使進士觀政於諸司其在翰林承勅監等衙門者曰庶吉士進士之爲庶吉士亦自此始也其在六部都察院通政司大理寺等衙門者仍稱進士觀政進士之名亦自此

始也其後試額有增減條例有變更考官有內外輕重闈事有是非得失其細者勿論其有關於國是者不可無述也鄉試之額以漸而增正統間南北直隸定以百名江西六十五名他省又自五而殺至雲南二十名爲最少嘉靖間增至四十而貴州亦二十名慶曆啓禎間兩直隸益增至一百三十餘名他省漸增無出百名者交趾初開以十名爲額迨棄其地乃止會試之額國初無定少至三十二人而其多者洪武乙丑永樂丙戌至四百七十二人其後或百名或二百名或二百五十名或三百五十名增損不一至成化乙未而後率取三百名有因題請及恩誥而廣五十名或百名者非恒制也初制禮闈取士不分南北自洪武丁丑考官劉三吾曰

蹈所取宋琮等五十二人皆南士三月廷試擢陳郊爲第一
帝怒所取之偏命侍讀張信等十二人覆閱郊亦與焉帝猶
怒不已悉誅信蹈及信郊等戊三吾於邊親自閱卷取任伯
安等六十一人六月復廷試以韓克忠爲第一皆北士也然
詎永樂間未嘗分地而取洪熙元年仁宗命楊士奇等定取
士之額南人十六北人十四宣德正統間分爲南北中卷以
百人爲率則南取五十五名北取三十五名中取十名景泰
初詔書遵永樂間例二年辛未禮部方孝行而給事中李侃
爭之言部臣欲專以文詞多取南人蓋取士之額雖不可拘
而南北之分則不可改刑部侍郎羅綺亦助侃言事下禮部
覆奏臣等奉詔書非私請也取士若不以文考官將何所據

北方中土人才所生古大聖賢皆非南人卽以今言如靖遠伯王驥左都御史王翱王文皆永樂間不分南北所取進士豈可預謂北無其人景帝命遵詔書不從侃議未幾給事中徐廷章復請依正統間例甲戌會試禮部奏請裁定於是復從廷章言分南北中卷南卷應天及蘇松諸府浙江江西福建湖廣廣東北卷順天山東西河南陝西中卷四川廣西雲南貴州及鳳陽廬州二府滁徐和三州也成化二十年萬安當國周洪謨爲禮部尚書皆四川人乃因布政使潘稹之請南北各減二名以益於中弘治二年黎淳爲禮部尚書論稹之失復從舊制嗣後相沿不改惟正德三年給事中趙鐸承劉瑾指請廣河南陝西山東西鄉試之額乃增陝西爲百河

南爲九十五山東西俱九十五而以會試分南北中卷爲不均
乃增四川額十名并入南卷其餘并入北卷南北均取一百
五十名蓋瑾陝西人而焦芳河南人票旨相附和徇其私
瑾芳敗卽復其舊初制會試及兩京主考皆用翰林而各省
考官先期於儒官儒士內聘明經公正者爲之故有不在朝
列累秉文衡者景泰三年令布按二司同巡按御史推舉見
任教官五十以下三十以上文學廉謹者聘充考官於是教
官主試爲定例而會試及兩京同考官亦皆取教職五年從
禮部尚書胡濙奏會試同考官後亦止用詞林部曹而直省
分考有司徇私聘取或非其人監臨官又往往侵奪其職掌
成化十五年御史許進請各省俱視兩京例特命翰林主考

帝諭禮部嚴飭私弊而不從其請其後屢戒外簾官毋奪主
考權考官不當則舉主連坐又令提學考定教官等第以備
聘取然相沿既久積習難移弘治十四年掌國子監謝鐸言
考官皆御史方面所辟各職分既卑聽其指使以外簾官預
定去取名爲防閑實則關節而科舉之法壞矣乞敕兩京太
監各舉部屬等官素有文望者每省差二員主考庶幾前弊
可革時未能從嘉靖七年用兵部侍郎張璁言各省主試皆
遣京官或進士每省二人馳往直隸五經房考各加科部官
一員閱兩科兩京房考復罷科部勿遣而各省主考亦不遣
京官至二十一年給事中胡叔廉鄭大同復論教職權輕之
并請視兩京例以京官主考竟不果從至萬曆十一年詔定

科場事宜部議復舉張璵之說言彼時因主考與監臨官禮節小嫌故行止二科而罷今宜仍遣廷臣由是浙江江西福建湖廣皆用編修檢討他省用科部官而同考亦多用甲科教職僅取一二而已蓋自嘉靖二十五年從給事中萬虞愷言各省鄉試精聘教官不足則聘外省推官知縣以益之四十二年又從南京御史奏兩京同考用京官進士易詩書各二人春秋禮記各一人其餘乃參用教官萬曆四年復議兩京同考教官衰老者遣回北京取足於觀政進士候補甲科南京於附近知縣推官取用至是教官益絀初制會試同考分十七房詩五易書各四春秋禮記各二嘉靖十一年禮部尚書夏言論科場三事其一言會試同考官例用講讀十一

人給事中三人部曹三人今翰林止講讀十一人當盡入場
方足供事乞於部科再簡三四人以補翰林不足之數世宗
命如所請然偶一行之輒如其舊萬曆十一年以易卷多減
書之一以增於易丁四年書卷復多乃增翰林一人以補書
之缺至四十四年禮部侍郎何宗彥覆科臣余懋孳奏詩易
各增一房共爲二十房翰林十二人科部各四人至明末不
變庶吉士之選自洪武乙丑擇進士爲之不專屬於翰林也
永樂二年旣授一甲三人曾棨周述周孟簡等官復命於第
二甲擇文學優等楊相等五十人及善書者湯流等十人俱
爲翰林院庶吉士庶吉士遂專屬翰林矣復命學士解縉等
選才資英敏者就學文淵閣縉等選修撰棨編修述孟簡庶

吉士相等共二十八人以應二十八宿之數庶吉士周忱自
陳年少願學帝喜而俞之增忱爲二十九人司禮監月給筆
墨紙光祿給朝暮饌禮部月給膏燭鈔人三錠工部擇近第
宅居之帝時至館召試五日一休沐必使內臣隨行且給校
尉騶從是年所選王英王直段民周忱陳敬宗李時勉等名
傳後世者不下十餘人其後每科所選多寡無定額永樂十
三年己未選六十二人而宣德二年丁未止邢恭一人以其
在翰林院習四夷謨書久他人俱不得與也弘治四年給事
申涂旦以累科不選庶吉士請循祖制行之大學士徐溥言
自永樂二年以來或間科一選或連科屢選或數科不選或
合三科同選初無定限或內閣自選或禮部選送或會禮部

同選或限年歲或拘地方或採譽望或就廷試卷中查取或別出題考試亦無定制自古帝王儲才館閣以教養之本朝所以儲養之者自及第進士之外止有庶吉士一途而或選或否且有才者未必皆選所選者未必皆才若更拘地方年歲則是已成之才又多棄而不用也請自今以後立爲定制一次開科一次選用令新進士錄平日所作論策詩賦序記等文字限十五篇以上呈之禮部送翰林考訂少年有新作五篇亦許投試翰林院擇其詞藻文理可取者按號行取禮部以糊名試卷偕閣臣出題考試於東閣試卷與所投之又相稱卽收預選每科所選不過二十人每選所畱不過三五人成就必有足賴者孝宗從其請命內閣同吏禮二部

考選以爲常自嘉靖癸未至萬曆庚辰中間有凡科不選神
宗常命間科一選禮部侍郎以道南持不可崇禎甲戌丁丑
復不選餘悉遵例其與選者謂之館選以翰林爲編修檢討次
一人課之謂之教習三年學成優者留翰林爲編修檢討次
者出爲給事御史謂之散館與常調官待選者體格殊異成
祖初年內閣七人非翰林者居其半翰林纂修亦諸色參用
自天順二年李賢奏定纂修專選進士由是非進士不入翰
林非翰林不入內閣南北禮部尚書侍郎及吏部右侍郎非
翰林不任而庶吉士始進之時已羣目爲儲相通計明一代
宰輔一百七十餘人由翰林者十九蓋科舉視前代爲盛翰
林之盛則前代所絕無也輔臣子弟國初少登第者景泰七